

SCRIPT OF EVENING GOJRI NEWS BULLETIN 22MAY 2025

1700HRS

اونینگ گو جری نیوز بلیٹن مورخہ 22 مئی 2025

یوہ آکا شوانی جموں بے عبدالرحمان تے نصرت تیں خبر سنو۔

HEADLINES

- ۱۔ وزیر اعظم نریندر مودی نے آپریشن سندھور غی کامیابی ور بھارتی فوج غی بہادری نانہہ سراپو۔
- ۲۔ جنگلات تے ماحولیات غا وزیر جاوید احمد رانا نے عوامی سطح ور ماحولیاتی تحفظ غی ضرورت ور زور دتو۔
- ۳۔ کشتواڑ مانہہ حفاظتی دستاں تے دہشت گرداں غے بشکار جھڑپ جاری ہے جس دوران 1 جوان شہید ہو گيو ہے 2 تے 3 دہشت گرداں غا کیرہ مانہہ ہون بارے منیو جارپو ہے۔
- ۴۔ جموں کشمیر حج کمیٹی نے حاجیاں واسطے حج باؤ سرینگر مانہہ پُجن گو وقت جاری کیو ہے۔

PM OP SINDOOR

وزیر اعظم نریندر مودی نے اج کہیو ہے جے بھارت نے اپریشن سندھور غے تحت دہشتگرداں گا ٹھکاناں نانہہ تباہ کرغے پاکستان نانہہ منہ توڑ جواب دتو ہے وزیر اعظم نے اس طرح کہیو۔ وزیر اعظم نے زور دے غے کہیو جے پاکستان باہر سنگ برائے راست جنگ کدے نہیں جیت سکتو اس واسطے وہ دہشت گردی نانہہ فروغ دے غے پراکسی جنگ مانہہ ملوث ہے جناب مودی نے ان گلاں گو اظہار بیکانیر راجستھان مانہہ ایک عوامی ریلی سنگ خطاب کرتا وان کہیو وزیر اعظم نے کہیو جے اپریشن سندھور نے دہشت گردی سنگ نمٹن غ اترے اصول تہ کیا ہیں انہاں نے کہیو جے بھارت ہر دہشت گردانہ حملہ غو منہ توڑ جواب دے گو۔ تے اس غو طریقو ملک مسلح افواج طہہ کرے گی۔

RANA BIODIVERSITY

وزیر جنگلات ماحولیات و ماحولیاتی تحفظ جاوید احمد رانا نے اج عوام تیں اپیل کی ہے جے وے قدرتی مساکن نانہہ محفوظ رکھ غے آلودگی نانہہ کھٹ کرغے تے پلایدار طرز زندگی نانہہ فروغ دے غے ایک مثبت تبدیلی لیاویں تانجے آن آلی نسلان واسطے زمین نانہہ خوشحال بنایو جاسکے انہاں نے جموں کشمیر مانہہ عوامی شراکت سنگ تحفظ ماحول تے حیاتیاتی تنوع غا انتظام ور زور دتو تانجے فطرت غے سنگ ہم آہنگی تے پلایدار ترقی نانہہ یقینی بنایو جاسکے وزیر موصوف نے یاہ گل سرینگر غا ٹیگور میموریل بال مانہہ منعقد ایک تقریب غے دوران کہی جس غو انعقاد جموں کشمیر بایو ڈائورسٹی کونسل غی طرفوں عالمی یوم حیاتیاتی تنوع 2025 غی مناسبت سنگ کیو گيو تھو اس تقریب غو موضوع تھو فطرت غیسنگ ہم آہنگی تے پلایدار ترقی جس مانہہ نمائشاں دستاویز فلماں غی نمائشاں تے مقابلہ جتن آلان نانہہ اعتراضات پیش کیا گیا۔

PM MKB

وزیر اعظم نریندر مو دی ملک تے بیرون ملک رہ رہیا بھارتی شہریاں سنگ آئندہ 25 مئی
 نانہہ آکاش وانی ور من کی بات پروگرام مانہہ اپنا خیالات سانجہ کریں گایاہ مابوار ریڈیو
 پروگرام غی 122 ویں قسط وے غی۔ لوگ اپنا خیالات تے تجویز ٹول فری نمبر
 1800117800 ور ڈال کر غے روانہ کر سکیں۔ اس توں علاوہ نریندر مو دی ایپ یاہ فر
 مائی گوو اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ
 غی 23 تاریخ توڑی ہی قابل قبول ویں گی۔

DIR. HORTI- POONCH TOUR

جموں باغبانی محکمہ غا ڈائریکٹر چمن لعل شرما نے ضلع پونچھ غو تفصیلی دورو کیو
 تانجے محکمہ نانہہ سکیمان غا نفاذ تے باغبانی شعبہ نانہہ مزید مضبوط بنان غ اجاری
 ترقیاتی سرگرمیاں گو جی یزو لیو جاسکے۔ انہاں نے پونچھ، لسانہ تے ہرنئی مانہہ کساناں غا
 باغاں غو دورو کیو تے سیب غے نال دیگر پھلاں غی فصلان غی حالت غو خود جی یزو
 لیو۔ انہاں نے کساناں نانہہ جدید باغبانی طریقہ اپنان غی ترغیب دتی تانجے پیداوار بدھے تے
 آمدنی مانہہ اضافو وے ڈائریکٹر نے کرسی وگیان کیندر پونچھ غو وی دورو کیو تے کساناں
 نانہہ فراہم کی جارہی تحقیق تے سیکھن غی سہولیت غو جی یزو لیو جاسکے۔

ANNOUNCEMENT PROG MUST

آکاشوانی جموں گا خبران آلا علاقائی یونٹ غی طرفوں ایک خاص پروگرام ترتیب دتو جارہیو
 بے جہیرو ترنگا یا ترہ تے حب الوطنی غ اپس منظر مانہہ اپریشن سندھور ور مبنی وے غو
 یوہ پروگرام 20 منٹ غو وے گو جس مانہہ محکمہ فلاحی امور برائے سابقہ فوجیاں
 اگڈ ڈائریکٹر جموں کشمیر برگڈر رینٹا یرڈ گرمیت سنگھ شان موجودہ ملکی صورتحال ور اظہار
 خیال کرینگا یاہ خصوصی نشریات بار غے روز 24 مئی 2025 نانہہ سویرے ساڈھ ۹ بجے نشر
 کی جے گی آکاشوانی نیوز منانہہ میڈیم ویو ۹ سو ۰۹ کلو ہارڈز ۱ سو ۴ عشاریہ ۵ میگا
 ہارڈز تے ایف ایم سو عشاریہ ۳ ور سنتا رہیں تانجے مزید معلوماتی پروگراماں تیں فو دو چایو
 ور ضرور سانجی کریں۔ rnujammu@gmail.com جاسکے تے اپنی رائے مہارہ سنگ

KISHT ENCOUNTER

اج سویرے ضلع کشتواڑ گا سنگھا پور چھاترو غا جنگلاتی علاقہ مانہہ حفاظتی دستاں تے
 دہشت گردان غیشکار جھڑپ شروع ہوئی۔ آکاشوانی جموں گا نمائندہ غی رپوٹ غے مطابق
 ایک مخصوص اطلاع ور پولیس تے فوج غیمشترکہ ٹیمنے شاری تے منڈل ڈوک غے بشکار
 غا جنگلاتی علاقہ مانہہ تلاشی کارروائی شروع کی جس دوران دہشت گردان تیں سامنو ہوو،
 اندازو لایو جارہیو بے کہ 2 تے ترے دہشت گرد جنگل مانہہ پھسیا وا ہیں تے فو رنگ غو تبادلہ
 جاری ہے۔ اس بارے پیش بے مارا نمائندہ غی یاہ رپوٹ۔

HAJJ FLIGHTS

جموں کشمیر حج کمیٹی نے حاجیاں واسطے حج ہاؤس سرینگر مانہہ پُجن غو وقت جاری
 SG8098 کی وے جہیرو متعلقہ پرواز غے مطابق بے 25 مئی 2025 نانہہ 2 پرواز
 غی پہلی پرواز سویرے 3 بجے تیدوجی پرواز 3 بج غے 30 منٹ ور روانہ وے غی۔ SG8099
 جددہ واسطے روانہ وے غی اس SG5329 مزید اطلاع مانہہ کہیو گیو بے کہ دہلی تیں پرواز
 واسطے مدد حاجیاں نانہہ ہدایت دتی گئی ہے کہ احرام اپنا کول رکھیں تانجے سرینگر ہوائی

اڏھ ور پُڄ غے کھل سکیں۔ باقی حاجیاں واسطے پروازاں غو وقت بعد مانہ جاری کیو جے گو، اس تیں پہلاں متاثرہ حاجیاں واسطے نوو شڏیول جاری کیو جا چکو ہے۔

YSS RAMBAN

نوجواناں مانہ کھیڏاں نانہ فروغ دین واسطے نوجوان تے کھیڏ بارے محکمہ نے رام بن مانہ ضلع سطح ور مختلف علاقن گے بشکار کھیدان گا مقابلہ نانہ منعقد کرارہیو ہے ایسا پروگرام طلباء نانہ کھیڏان مانہ بھرپور شرکت غی ترغیب دے تے کھیڏ نوجواناں غی شخصیت سوارن تے مکمل ترقی مانہ مدد دے۔ ضلع رام بن مانہ یے پروگرام کامیابی سنگ منعقد کیا جارہیا ہیں تانجے نوجواناں مانہ کھیڏاں غی رُح نانہ زندو رکھیو جاسکے۔ اس سلسلہ مانہ نوجواناں تے کھیڏ بارے ضلع آفیسر جگدیش راج شرما نے اس طرح کھیو۔

MISSION YUVA RAJOURI

نوجواناں نانہ باختیار بنان تے خود روز گاری نانہ فروغ دین واسطے ضلع راجوری غ اپنچایت گھر کوٹتیاڑا مانہ ضلع روز گار و رہنمائی مرکز غی جانب تیں مشن یووا ور پنچایت سطح غو آگاہی پروگرام منعقد کیو گیو۔ پروگرام مانہ بے روز گار نوجواناں تے کاروبار غی خواہش رکھن آلا نے حصو لیو۔ یاہ پہل جموں کشمیر حکومت غا مشن یووا غو فلیگ شپ پروگرام ہے جس غو مقصد نوجواناں نانہ باختیار بنانو تے خود روز گار غا مواقع فراہم کرنا ہیں۔ ڈپٹی ڈپٹی ریکٹر ڈی ای اینڈ سی سی محمد نواز نے مشن یووا غی اہم خصوصیات ور تفصیلی جانکاری دتی اس موقع ور مشن یووا مو بیل ایپ تے آن لائن پورٹل گو برابرات مظاہرو وی پیش کیو گیو۔

ANNOUNCEMENT

علاقائی خبراں آلو شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غوپینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تیں براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50 صحافت غا شعبہ مانہ ڈگری یا فر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غا درہ غے اندر رہنا ش پزیر وے اس سلسلہ مانہ درخواست غی بارڈ کاپی

ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود
آیندہ 15 جون توڑی دے سکیں۔ اس بارے مزید جانکاری ویب سائٹ
www.newsonair.gov.in-ور دستیاب ہے۔
